

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

史部
第一九四冊



責任編輯：孫言誠 賀 偉

ISBN 7-5333-0535-3



21578/11

四庫全書存目叢書·史部一九四

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 48.125 印張

1996 年 8 月第 1 版 1996 年 8 月第 1 次印刷

印數 1 100

ISBN 7-5333-0535-3

Z·37 史部定價：87600 圓

史部第一九四冊目次

史部·地理類

〔嘉靖〕仁和縣志十四卷

〔明〕沈朝宣纂修
清華大學圖書館藏清光緒錢塘丁氏嘉惠堂刻武林掌故叢編本

..... 一

〔萬曆〕湖廣總志九十八卷（原缺卷四十七）（一）

〔明〕徐學謨纂修
福建省圖書館藏明萬曆刻本

..... 二五三

〔嘉靖〕仁和縣志十四卷

〔明〕沈朝宣纂修

清華大學圖書館藏清光緒錢塘丁氏嘉惠堂

刻武林掌故叢編本

附《四庫全書總目·嘉靖仁和縣

志十四卷》提要

仁和縣志序

惟仁和杭郡首邑也郡昔有志而邑曩載未有專志斯邑者三吾沈子曷爲志之沈子籍斯邑每以關志爲念第賓于京董于涿尚未遑也迨陟尹江陵卽引愜而歸日惟邑志是圖博稽郡志旁采紳官循歷坊閭廣詢故老越入載而會萃成編其諸田賦戶役則有司存爰質于邑令成濟王侯悉錄以畀郡守王山嚴公式嘉厥成而沈子之志於是乎慰矣乃鳩工繕書圖惟鏤梓以傳謂予亦籍斯邑蓋識諸簡端予自歸田雖日稽古典恆以弗克述作爲愧顧說志成

仁和縣志序

一

曷任欣羨敢不敬識夫志之爲義大矣哉君子所以章往而示來也越稽周禮邦國之志小史掌之四方之志外史掌之肆凡遐方小邑罔不有志矧元服首邑乎蓋以天道則星野載焉以地道則疆域載焉以人道則文獻載焉否則前罔攸徵否則後罔攸繹志之不可以已也如是然學弗博者鮮克詳識弗精者鮮克實志弗篤者鮮克終矧或畏難而止或避嫌而止或憚勞費而止夫如是焉攸成惟三吾子宿學多識而加之以篤志是故因略以致詳因名以求實因舊以增新雖遠涉不以爲勞雖下詢不以爲恥雖捐

服器不以爲費凡聞一善行見一古蹟欣然有喜色
 日研諸慮以載諸牘夫豈爲是干譽哉蓋欲展素蘊
 故不畏難不避嫌而汲汲圖之耳夫首之以星野而
 天道昭矣次之以疆域而地道昭矣次之以文獻而
 人道昭矣擊分類聚綱舉目張而以紀遺終焉竄哉
 可與章往可與示來矣吾聞君子進則效教以育才
 退則敷文以垂世教教所以行道也敷文所以明道
 也三吾子仕則曲成士類歸則曲成邑志非志於道
 而果於爲其孰能與於此是以郡守嘉之邑令贊之
 而鄉黨亦樂道之若體哉義例暨抑揚損益且載厥

仁和縣志序

二

志子未之盡觀也夫焉攸言嘉靖己酉桂月上浣
 賜進士第前通議大夫工部右侍郎瑞石江曉撰

仁和縣志目錄

卷一

封畛

建置沿革

分野

疆界

城中境界

城

隍

坊隅

街巷

牌坊

市鎮

卷二

封畛

橋梁

山川

卷三

公署

仁和縣志目錄

一

沿革

附儒學各屬

風土

題名

寓治

風俗

戶口

物產

田土

土貢

卷四

風土

稅糧

課程

卷五

學校

附書院社學釋戶

本學沿革	廟	啟聖祠
教職題名	鄉賢	
卷六		
水利		
城內水利	六井	城外水利
修築海塘要略		湖候
陡門開兌堰		
卷七		
恤政		
養濟院	忠民藥局	鄉薦
仁和縣志目錄	二	
義塚	預備倉	
壇廟		
卷八		
名宦		
知縣	縣丞	教諭 訓導
科貢		
進士	舉人	歲貢 例貢
人材	楷書	經明行修
功臣教讀	陰錄監生	
卷九		

人物		
宦蹟	忠烈	風節 剛正
廉介	文學	隱逸 義槩
耆善		
卷十		
人物		
孝行	義夫	節婦 方技
釋道		
墳墓		
卷十一		
仁和縣志目錄	三	
寺觀		
卷十二		
寺觀		
卷十三		
書籍		
碑碣		
紀遺		
紀事		
卷十四		
紀遺		

紀文

附贊襄人員姓名

崇府掌史邑人沈嶽 助銀二兩

忻州同知邑人潘錯 助銀一兩

餘杭庠生邑人畢德 助米一石 夷堅志二冊

隣邑義士里人虞相 助銀四兩

本邑鄉善同里章默 助米一石

本邑鄉善同里章松 助米二石

本邑庠生門人施森 校正

本邑庠生里人姚公溥 校正

仁和县志目錄 四

國子監生門人俞龍 助銀一兩兼校

本郡庠生門人賈炯 校正

國子監生里人姚公器 校正

休邑義士汪珪 助銀一兩

仁和县志凡例

一縣志義類悉遵洪武杭州府志綱總於上目列

於下前有引以敘其義其間微有不同者府志

宜略縣志宜詳不容固守定規也

一縣志止載一縣之事不敢少涉司府以蹈僭越

一自成化十一年已前事蹟悉本諸本府舊志續

志恐有未盡復稽咸淳臨安志餘則參諸野史

雜錄或訪故老其間世遠人湮或事遺謬始闕

之耳

一凡引用諸書惟節略全文或因尾以已意故于

仁和县志凡例 一

引處皆不著其所自出

一志分野卽其列于府志者若無區別要不過具

其名目耳

一志城隍非本邑自有城隍因其環府境者其間

地有屬乎縣境特表而注之

一志山川無分大小凡在境內者悉載之如縣治

照山亦是鳳凰山之支脈理不可遺

一志公署首列縣治次及所屬他如按察司與夫

貢院教場則以寓治載之具其名耳

一志風土其風俗隨時敘列若戶口物產田土土

貢稅糧課程與夫徭役糧金則據冊籍時例載之有不載者必其無可稽也

一志鄉飲不詳其事爲其統舉于府縣志內不宜復載也

一志鄉賢凡在祠者猶鄉民在鄉也其宴飲不必以齒爲序先敘世代一世代之中齒不可考則以入祠先後爲序官爵并所論也若其賢著于鄉無人荐拔者榮列于後

一志水利惟取具有關十境內或開濬淤治或通塞利弊若泛泛並舉無補于治

仁和縣志凡例

二

一志壇廟其祭皆府舉行但牲帛儀品出辦于本縣者不容或遺也

一志名宦先據史傳次者咸清臨安志然後及于杭州府舊志續志其間或志有不載者必稽諸實蹟決諸輿論然後可以增入若未蓋棺亦不敢載懼其晚節或虧也

一志科貢宜註出仕履歷奈何有知有不知既無子孫可訪又無誌銘故舊可詢是以一槩不註若夫選貢楷書人材與夫經明行修蔭錄等類則附列于後

一志人物以人品類從而人品之中仍以世代爲先後府志原無文學條例茲特載者其專取其文之美也亦有行檢政蹟可稱焉耳但欠純全故立此條例以附其行檢政蹟於下不敢沒人善也

一志義夫節婦與夫孝子必據其實經旌表獎勵或經荐拔具有成案者方載之否則不敢混錄以招物議

一志僧道而不及仙佛恐其惑世誣人也

一志墳墓以賢爲主苟非其賢例不載人

仁和縣志凡例

三

一志寺觀固以敕建先後爲序其中又循境土分列非敕建者例附于後

一志書籍有木刻在境內曾經印行者止載其目

一志碑碣凡有關政教風俗者止載其目

一志紀遺舊府志統載紀遺今依咸清臨安志分別紀事紀文而以有關風俗政教者載之

一本府舊志續志備載 詔敕此蓋惑于咸清臨安志故載之耳不知咸清志乃是京城志故及之今非京城載之爲贅

一自義和以南如二察院布政司杭州府俱寓錢

塘地方故其牌坊書籍碑碣皆不收藏

仁里縣志凡例

四

乾隆杭州府志

沈朝宣字三吾仁和人以貢入京師故事貢生四月
奎廷試聽翰林甲乙卽歸不得與直隸秋比朝宣負
奇氣投書吏禮二部又詣登聞院鳴鼓御史上其事
遂捷於京闈貢生得附京省試自朝宣始是年嘉靖
辛卯也數上春官不第教諭涿州其教人先德行次
經術次治事循循有條善談論援古今得失使聽者
忘倦羣使交薦遷江陵令性友愛以兄老無子請告
歸闢荒圃築精舍與兄觴飲流連至老猶篤暇日談
邑事網羅舊典採輯新聞成私志若干卷今所傳鈔
本殘缺非其舊矣

仁和縣志傳

一

仁和縣志卷一

湖廣江陵縣知縣致仕仁和

封畛



自古建邦設都體國經野必始于辨封畛封畛辨則遐邇昭縱衡察公私別通塞影紛紛藉藉之民可以運諸掌上不然則混論疑似之閒易至此侵彼奪為併為兼其何能統一駕馭也耶是以有志於治者未嘗不以封畛為急務焉仁和為杭郡首邑其甸治區畫實外邑之具瞻為是乃志封畛

建置沿革

仁和縣志卷一

一

仁和為郡首邑其地在禹貢揚州之域自秦罷侯置守始有令焉乃置錢唐縣屬會稽郡時則今日仁和之土地人民悉混乎其閒至西漢改為會稽西部都尉治所逮東漢乃省其縣晉復置之屬吳郡陳改為錢塘縣隋改為杭州唐改唐為塘宋元因之五代梁龍德二年錢氏據浙始割錢塘鹽官地置錢江縣以治錢塘至宋太平興國三年因錢氏納土乃改錢江縣為仁和縣後高宗南渡幸杭因見縣名仁和乃曰此故都城門名也而建都之意遂決

考據臨安志載東漢朱雋封錢唐侯註引錢唐

土石一辭與錢唐字相通以得海潮入致記與元和郡縣志相同按錢唐太平寰宇記二十六卷唐居其一始皇東遊已至此豈作華信而後名唐字本不從土舊志引詩曰中之或曰仁和沿革何以致及錢塘蓋以秦時仁和之地統于錢塘故及之

分野

吳越之分屬星紀周禮鄭氏註漢天文志斗江湖牽牛婺女揚州又地理志吳地斗分野也今之會稽九江丹陽豫章廬江廣陵六安臨淮盡吳地也漢律歷志註蔡邕月令章句云自斗六度至須女

仁和縣志卷一

二

二度謂之星紀之次分野又郡國志註帝王世紀云自斗一十一度至婺女七度曰星紀之次斗建在子吳越分也晉天文志魏太史令陳卓言郡國所入宿度自南斗十二度至須女七度為星紀吳越之分野屬揚州隋志自斗十二度至須女七度為星紀於辰在丑為吳越分野唐天文志星紀得雲漢下流百川歸焉故其分野自南河下流窮南紀之曲東南附海為星紀又曰南斗牽牛星紀也丑初起南斗九度餘千四十二秒十二太中南斗二十四度終女四度逾南河得會稽涉越

門訖南海爲星紀之分古吳越及東南百越之國

南斗在雲漢下流當淮海間爲吳分牽牛去南河

寢遠自豫章迄會稽南逾嶺微爲越分按咸前臨

固取三統歷十二次配十二野其說雖詳然未及

度數至漢陳卓取費直等說然後分蓋起某度至

某度及唐一行南戒之說分南北河及吳越門以

雲漢紀之其詳矣然晉唐二史所指吳越度數

亦有差殊耳此說得之

宋史兩浙路當天文南斗須女之分 元史斗四

度三十六分六十六秒外吳越分星紀之次

皇明大一統志斗分

日爲丁史記天官書註引星經云斗玉衡第六星

仁和縣志卷一 三

主揚州常以五巳日候之下巳爲吳郡會稽

斗星之

邑也

其辰爲丑東漢郡國志吳越其辰在丑晉隋及元

志同

其五星爲火史記天官書吳楚之疆候在熒惑占

於鳥衡 漢天文志同 唐天文志星紀鶉尾以

負南海 本志註曰負者以其神在于衡山熒惑位

焉

評曰分野之說肇于周禮保章氏豈徒託諸空

省日聖人仰以觀象于天蓋欲君子治以召天殃

仁和爲杭之屬邑其界分近統于杭遠統于

運周旋而不離以每日常曉占之似各有分

屬其界無分也其界分則有治道也耶

某語造化之妙矣其何神乎治道也耶

疆界

本縣四境東西相距六十里南北相距八十二里

至到東至海甯縣上舍經界六十里自界至海

甯縣四十七里西至錢塘門抵城而止南至紹興

府蕭山縣漁浦界二十八里自界至蕭山縣一十

里北至湖州府德清縣五林村界四十五里自界

至德清縣三十六里東南至紹興府蕭山縣西興

界二十八里自界到蕭山縣一十里西南到甘泉

西城腳下錢塘縣界東北至嘉興府崇德縣橫溪

界一百二里自界到崇德縣二十七里西北到德

清縣導墩界七十里自界到德清縣四十里

城中境界

東至東里坊直抵城牆南至日新巷北西至甘泉

坊直抵城牆北至武林門東北至艮山門城牆西

北至錢塘門城牆

城

隋楊素卿築州城周四三十六里九十步

唐昭宗景福二年蘇杭等州觀察使開國侯錢鏐發民夫二十萬及十三都軍士新築羅城自泰望山由夾城東亘江干泊錢塘湖霍山范浦周七十里其門南曰龍山東曰竹車南土北土寶德北曰北關西曰涵水西關城中又有門曰朝天即今錢清橋曰茂橋新門曰鹽橋門

宋建炎三年高宗以杭州爲行在紹興二十八年增築內城及東南之外城附于舊城爲門十三曰便門候潮門保安門又名小新門崇新門俗呼馬東青門俗呼菜良山門西曰錢湖門清波門俗呼

仁和縣志卷一

五

鹽橋門舊名湧錢塘門南曰嘉會門北曰餘杭門水門五曰保安水門南水門北水門天宗水門餘杭水門

元既取宋禁天下修城以示一統而內外城日爲居民所平至正十六年張氏陷姑蘇陳浙西五郡十九年發淞江嘉興湖州杭州民夫築馬塢夜併工三月而完城周六千四百丈有奇高五丈厚視高加一丈而殺其上舊城包山距河故南北長時則自良山門至螺螄門以東視舊則拓開三里而絡市河于內自候潮門以西則縮入二里而截鳳

山于外故東西廣門仍一十有三二十六年十一月寓鋪塚堞以次置立

皇明分遣帥將平浙曹國公李文忠爲浙東行省右丞總兵取杭州兵至富陽分三道追城公頓兵餘杭守將潘原明知

天命有歸遣僚屬詣軍門納款秋毫無犯市不易肆迨今百八十餘年風塵靖息民物又安其于城郭有司時加修葺其不葺時晚周遭虛舍飾具門皆樓櫓永固金湯萬年無虞者矣東城五門曰候潮有水門內屬錢塘曰永昌舊名新門俗呼草橋門

仁和縣志卷一

六

曰清泰舊名崇新門俗呼馬橋門又名曰廣春舊名東青門俗呼菜市曰良山有水門俗呼子門內城西四門曰錢湖今塞曰清波俗呼曰湧金舊名豐外俱屬錢塘內屬仁和南城二門曰鳳山舊名門有水門曰清平今塞內屬錢塘北城二門曰天宗俗呼小北曰武林有水門舊名餘杭門內屬

隍附形

有城斯有隍隍也者所以護城也昔因築城掘取其土水斯聚焉鑿之使深斯則所謂隍也杭郡之隍東南自渾水閘河流至候潮門東循城而北經

論杭之形勝惟晁太史補之所作七述最爲鋪張
鉅麗其詞曰杭之故封南浙江北其區東大海西
天目四川之所交會萬山之所重複或瀨或湍或
灣或澗或歧或脈或衣或連滔滔湯湯渾渾洋洋
鼎鼎浪浪隆隆叩叩若金城天府之疆其民旣庶

七

而且富既姣而多娛可導可疏可航可桴可跋可
踰可輦可車若九洲三山接乎人世之廬連延迤
邐環二十里邑居攸聚蟻合蜂起高城附之如帶
遠指隱以爲脊折以爲尾湮河塹華不足方比方
城漢水胡敢競美當昔夫差之盛時內姑蘇以爲
心腹而外城此以爲身革車千乘甲士萬人粟支
十年帛散千屯灑汗成雨連帷成雲乃有大夫伯
嚭行人伍員之徒通其謀將軍孫武公子夫差之
徒用其策嘗以國政之閑發徒戡江命習戰事於
是張翠羽之蓋麾魚須之游棹鸞足之楫曳龍尾

仁和縣志卷一

七

義和坊三里	舊志七	平安坊五里	舊志入
東里坊四里	舊志七	如松坊一里	舊志同
南北壁二里	舊志三	東西壁三里	舊志四
義同安國坊一里	舊志二		
同德安國坊一里	舊志二	右俱在城	

似蘭隅四里 舊志	保安隅三里 舊志	會甯隅二里 舊志	四以隅 今不存	東里隅一里 舊志	夾城隅一里 舊志	江漲隅一里 今不存	右俱附郭	鄉都	芳林鄉一都一十五里 舊志	二都上七保七里 舊志	肇元鄉二都下七保七里 舊志	三都一十里 舊志	四都九里 舊志	仁和縣志卷一	五都一十三里 舊志	六都上五保五里 舊志	大雲鄉六都下五保六里 舊志	七都一十里 舊志	八都一十一里 舊志	九都六里 舊志	十都上保六里 舊志	豐稔鄉十都下保六里 舊志	十一都三十里 舊志	十二都一十二里 舊志
														九										

十三都一十七里 舊志	長樂下鄉十四都七里 舊志	十五都上七保七里 舊志	永和鄉十五都下二保一十里 舊志	十六都一十四里 舊志	十七都五里 舊志	十八都上保七里 舊志	安仁東鄉十八都下保七里 舊志	長樂上鄉十九都一十七里 舊志	仁和縣志卷一	安仁西鄉二十一都上九保八里 舊志	廉德鄉二十一都七里 舊志	二十二都一十四里 舊志	二十三都上七保六里 舊志	太平鄉二十三都下三保五里 舊志	二十四都九里 舊志	臨江鄉二十四都一十一里 舊志	考據宋咸淳臨安志仁和縣管十一鄉	芳林鄉管里五 南城	肇元鄉管里四 洞江
																		永興	永興

大雲鄉管里四	永泰	葛聖
豐年鄉管里四	長壽	五杭
長樂鄉管里五	崇仁	金浦
安仁鄉管里三	芳和	青河
安仁鄉管里四	永仁	白石
太平鄉管里四	華林	白熱
廉德鄉管里四	永明	永樂
永和鄉管里四	華嚴	新安
臨江鄉管里三	望湖	義和
縣在招賢坊湖界		府門
仁和县志卷一		
在府治北九里	水路	東西六十一里二百步
南北八十四里		
東至鹽官縣以上舍涇爲界六十里		
西至錢塘縣以因姑橋河流爲界一里		
南至紹興府蕭山縣以浙江中流爲界三十里		
北至安吉州德清縣以奉口溪導墩爲界五十四里		
東南至鹽官縣以前到石橋爲界六十里		
西南至錢塘縣以後洋街路口爲界三里		

東北至安吉州德清縣界以博陸村爲界八十里		
西北至錢塘縣以斜橋中流爲界三里		
陸路		
東至上舍涇抵鹽官縣界七十里		
北至奉口溪導墩抵安吉州德清縣界五十里		
四里		
東南至褚山石橋抵鹽官縣界六十六里		
水路		
東沿運河至上舍涇港抵鹽官縣界七十里		
北沿下塘河至奉口溪導墩抵安吉州德清縣界五十四里		
縣界五十四里		
東北自江漲橋沿下塘河至博陸村抵安吉州德清縣界八十八里		
東南沿湯村塘至褚山石橋抵鹽官縣界七十里		
街巷附牌		
東自義和坊西自壽安坊自南至北中間一直大道乃宋時御街其街東自南至北轉西抵中正橋		
義和坊	武志坊	戒民坊
		古市

新橋巷 北名	清甯坊 舊名延	安國坊 俗呼北
東北境車	軍頭司橋巷 舊名延	橋巷內
有文思御第	普甯坊 北境內	普甯坊
軍頭皇城司	平安坊 即舊	豐信倉街內
有義和巷	其街西自南至北轉西抵中止橋	
壽安坊	忠孝坊 舊崔家巷宋崔清獻與	
修文坊 宋時有	里仁坊 內有保仁坊	
定民坊 即今百	睦親坊 宋時有	
南上酒庫巷 誤稱十	聚木巷 內有混	
下瓦巷	澄清坊 舊名前洋街	
《仁和縣志卷一		
純禮坊 今呼竹竿巷	保和坊 即磚	
觀巷 舊名都	武林坊 內有淨住巷	
興賢坊 今立養濟院牌坊	同德坊 俗名謝	
晏公廟 舊仁和縣治在此	打猪巷	得一道院巷
自義和坊從西至東大路乃是藥市街		
其街南界屬錢塘		
其街北過炭橋		
善慶坊	諸投巷	固甯巷
興忠南巷		
過豐樂橋		

安平巷	三官巷	塔兒巷
馬市巷	昇平巷	舊城基南路內
回回		
自壽安坊從東而西至井亭橋乃是花市街		
其街南界屬錢塘		
其街北		
花市巷	馬家營巷	新房廊巷
洪福小巷		
過井亭橋大街至城牆名甘泉坊		
其街南屬錢塘		
《仁和縣志卷一		
西井寺墻東轉北		
街東		
雙井巷 巷東名		
街西		
五莊巷 宋莊文五		黑亭子巷
過東轉北名水溝巷		
街西		
小古井巷	大古井巷	字民坊
街東		
平易坊		